

TUSI LOTU MO ASO TAKITASI

VAEGA 2

Apelila-Mee-luni  
2021

# TalaLei

ASO TAKI TASI

**SEAI SE TOGI**  
E TAPU TE FAKATAU  
KO OTI NE TOGI NE  
TAUGASOA O TE MINISITULI,  
TELA KE TUFU FUA E AUNOA  
MO SE TOGI.

KAFAI KO FATOA TOE LAGONA EILOA NE KOE SE TALA GALI MAI I SE FENUA MAO,  
E PELA EILOA ME KO INU KOE KI SE VAI MOKO ITE TAIMI E FIAINU EI KOE.

*Uebert & BeBe*  
**ANGEL**



# Become a **GoodNewsWorld** PARTNER



PARTNER NOW AND HELP SPREAD  
THE **GOODNEWS** AROUND THE WORLD

VISIT [www.goodnewsworld.com/partner](http://www.goodnewsworld.com/partner)



## UEBERT & BEBE ANGEL

Ite fia o tausaga ko oti ne galue iei laua, a Uebert mo Bebe Angel ne galue malosi ite fakalauefaga ote Tala Lei ite Alofa tauanoa o te Atua mo valoaga faka-pelofeta ite lalolagi.

Ne tusigina foki ne laua a tusi Tava faka-te agaga, Olaga pikimau kite Atua, Te Pangke o Talosaga, Te malosi ote tino talitonu mo nisi tusitusiga aka e uke.

A laua e lauga I fonotaga e uke ite lalolagi kae lauiloa I te galuega talai a laua. Ne kamata ne laua te Lotu ko te Good News Church (Spirit Embassy), kae e iai foki ia laua te mealofa o te pelofeta, tela ko oti ne fai iei ne laua ne galuega e uke kae maise te takiiga o ola e uke e auala ite talai atu ne laua ote Tala Lei e uiga mo te alofa o te Atua.

**Iakopo 5:16**

**Ate talo a te fino amiotonu e lasi a tona mana.**

A Elia se tagata tela e mafai ne ia o talo kae tupu ne mea fakaofōfogina, ako ana talosaga e se mana. A ia ne fai me ka sei ne motiga vaiua io mene vaiua ke oko loa ki te taimi e fakato ei ne ia, e fakaigoa ne te Atua te talosaga tena mai te loto naunau. A ia ne talo ke ola te tamaliki tagata tela ne mate kae ko te tamaliki tena ne toe ola. Ki te faka`tauga a te tokoukega, a mea kona e mafaufaugina me sei ne talosaga mana, kae tela la a te fakaotiga ne mea fakaofōfogina.

Te Atua seki tuku lele loa ne ia te malosi ki te talo. Ne tuku ne ia te malosi ki luga i Kelisiano kola e fakatuaga ki te Atua mo ia foki tela e talo. Onōno ki te fuaiupu a tatou mo te asonei me i te

talo uīgā e lasi ki tena malosi, kae ko te talosaga a te fino amiotonu e malosi kae mana. E fai mai a te Tusi Tapu, "Kafai e tokouke ko maua ne latou a Iesu, ko latou kona ka maua ne latou te malosi...." Te talosaga ko te auala ki te malosi: e tufatufa ne ia te malosi ki kogākoga kola e manakogina se mafuligā. E isi se malosi iloto ia koe tela e mafai ne ia o fakagalue manafai koe e faipati. Talo mo te mautinoa kae ke iloa ne koe me i te malosi o au talosaga e nofo mo koe.

## TAKUTINOGA FAKA PELOFETA

**Au e fonu i te Agāga Tapu, ako te malosi o Keliso tela ne tafuke mai te mate e nofo iloto i au. I taimi e faipati ei au i muna o te fakatuanaki i talosaga, e fai ne au a fakamafuliga e uke i mea kola e tau o full!**

### TUSI SUKESUKE FAOPOPO

Ioane 1:12, Iakopo 5:16 (NKJ)

**Kolose 2:14**

**Ne solo ne ia a tala se lei o te tou kaitalafu mo ana Tulafono saisai kae ne fakaseai atu katoatoa ne ia a auala ite tukiatuga ki te sataulo.**

E isi se mea fakaofōgina ne tupu i te taimi ne manava ei ne lesu tena toe manavaga iluga i te sataulo i Kalavalia. I te taimi tena, ne fai ei a ia mo tau-laga ma katoatoa, tela ko te mamoe e seai sena pona, agasala katoa kola ne fai ne te lalolagi ne fakamagalo katoa. Koe mo au ne seki nofo i te matega a lesu, kae ui ei ne mate mo agasala katoa o te lalolagi. E aofia i ei a latou kola ne ola mai mua seki fanau ei a lesu. Mo latou kola ne ola i taimi o Keliso, pela foki mo te taimi nei mo taimi mai mua. Mafaufau aka la kiei!

Koe mo au ne tau o tautau iluga i te sataulo e togi ei a tou agasala. A lesu seai lele loa sena agasala ne tau ei a ia o mate. Kae ne pakū atu katoa ki a ia a te fakasalga ona ko agasala ne fai ne tatou. Nei la ko seai loa se fakasalaga ka oko mai ki a tatou. Te fakamaoniga o au mea katoa ne fai, ou mafaufa`uga, au muna masei ne fai ko oti katoa ne fakamagalo ke oko loa ki te segata-mai. Seai sau mea ne fai mai mua atu ko iloa ei ne koe a Keliso, ke oko ki te taimi nei mo taimi mai mua ko oti katoa ne fakamagalo ne Keliso. Koe ko oti ne fakamagalo au agasala kola ko oti ne fai, pena foki au agasala e fai nei ke oko ki au agasala kola seki fai. Ko oti katoa ne togi ne lesu, Aleluia! Tena te tala fakaofōfogina kae gali!

**TAKUTINOGA FAKA PELOFETA**

**Au e se agasala ona ko te Alofa Tavanoa. Au se tino fōu ia Keliso lesu. Ko seai loa ne aku agasala e fakamau nei. Aku agasala i toku olaga mua ko oti katoa ne fakaseai katoa, ko seai loa se mea e toe! Ko seai loa ne sēga e uiga mo oku i te lagi. Vikia te Atua!**

**TUSI SUKESUKE FAOPOPO**

1 Kolinito 15:1-4

**Kolose 2:15**

Kae iluga ite sataulo ne fakasaolo ne Keliso a ia eiloa mai ite malosi o tino pule faka-te-agaga mo pulega ne fai ne ia se fakaasiga fakamaimoa o latou ki tino ite takiatuga o latou e pela mo ne pagota I tena solo manumalo.

Ite otiga ne mate a lesu iluga ite sataulo. Ne tau atu a ia kia satani mo ana kau kae ne manumalo a ia ia latou. Satani e se mafai lele o fakapau atu kia ia on me seai se mea ia lesu e mafai ne satani o fakaoga. Te patii tevelo seai se igoa kae se fakamatalaga o galuega e fai ne ia. Tela ko tona uiga te tino tela e peipei faeloa I taimi katoa ke oko ki taimi ko masae lua iei. Te tevelo e poto ite fakalavelave o te mafaufau. Te galuega ate tevelo kote peipei ki te mafaufau a loi e uke ke oko ki taimi ko mafai iei ne ia o ulu ki loto I mafaufauga fai o

te tino. Satani seai se igoa. Te uiga o satani ko te tino fakamalaia.

Tela la so se koga e isi iei se fakamalaiaiga, ko tona uiga ko satani ko iai ite galuega tena. Te Atua se fakamalaia ne ia koe. Aia e fai ne ia koe e auala ite togi ola ne fai ne lesu Keliso, ke maua ne koe a mea katoa lei ite olaga nei kae ke saoloto foki koe ite olaga nofo salamo, masiasi mote fakamalaia. E pela loa mo te lulu ne lesu a satani mo ana kau, ka pena foki o lulu ne ia keatea mai ia koe a mea katoa masei a te fili I fou olaga. Tela la sasale ite saolotoga o tona mainaga ite aloga tumau ote Atua mo koe.

**TAKUTINOGA FAKA PELOFETA**

Au e alofagina kae ko oti foki ne fakamagalo katoatoa. Au ka ola ite olaga ote faopoopo kae manumalo ona ko te manumalo o Keliso tela e ola iloto ia au. Au e sasale ite mainaga ote alofa ote Atua mo au e aunoa mo se mataku, falotoloto lua io me fakamalaiaiga. Au ka puke ne au e koga fenua, atufenua I se aso ona kote Tupu o fenua katoa e ola ia au!

**TUSI SUKESUKE FAOPOPO**

Kalatia 2:20



### 1 Kolinito 15:19-20

Kafai te tou fakamoemoega ia Keliso e lei mo te olaga fua tenei kae e seai ake foki, tena la ko tau o maua ne ta-tou a te alofa e lasi atu ilo o nisi tino ake ite lalolagi katoa. Kae kote mea tonu a Keliso ko toi ne fakatu ake mai ite mate, e pela me kote fakamaoni-ga me ia latou kola e moe ite mate ka fakatuakegina foki.

A Iesu ne toe fakatuu mai te mate. Kae ne nofo ite lalolagi mo se 40 aso. Te Tusitapu e fai mai me aia ne lavea ne tino e mai luga atu ite lima selau o kau taina ite taimi e tasi (1 Kolinito 15:6). Ne seki fai mai ia latou ne nofo katoa ite koga e tasi. Tela la, e isi se mea e uiga mo Iesu tela kese mai mo nisi mea aka. Ne sasale aia iluga ite vai kae sasale iei e pela me sasale ise koga makeke. Ne fuli ne ia te vai kite uaina. E uke aka foki a nisi vavega ne fai ne ia. Kae maise la

iei ko te fakaofuofogina o tena toe tuu mai te mate.

Tela la, moi ne fai e seki toe tuu mai a Iesu ite mate, e penei e seai se mea e tau o faipati tatou kiei. Me ite talalei e seai sena malosi. Kae ko tena toetu manumalo ne fuli iei a mea katoa. E fakamaonia ne tena toetu me seai se malosi e mafai o taofi ne ia Iesu ki lalo. Te Agaga tela ne fakatuu ake ne ia a Iesu ite mate e tena foki iloto ia koe. Sea la te mea e mafai o taofi ne ia koe? Ka seai se mea e mafai o taofi iei koe. Koe ka fanaka ki luga ite malosi, te lei, mote alofagina ne tino. Tou malosi ka katoatoa. Au sene ite Pangke ka uke atu. Mea katoa I tou olaga ka faopoopo katoa. Ite aso e tasi, kae ko pili mai, e pela loa mo Iesu ne toe tuu mai te mate kae fanaka ki luga, koe foki ka toe fanake mai te lalolagi tenei o fakafetaui mo ia ite ea. Oi aue, alleluia! Sea te aso gali pena!

## TAKUTINOGA FAKA PELOFETA

E isi se malosi mana iloto ia au tele a fai ne ia ko au ke faopoopo toku olaga i mea katoa. Au ka se siga ki lalo, au ka se mafai o taofigina. Au ka sasale ite uke mo te maumea, gasue ite mafai e mai ne te Agaga Tapu, toku manuia katoatoa ka fakataunugina e iloa.

### TUSI SUKESUKE FAOPOOPO

1 Tesalonia 4:16-18



**Ioane 10:27**

**Aku mamoe e lagona ne latou toku leo, E iloa ne au latou kae tautali mai foki ia au.**

Ko oti ne fakatalitonugina me ite taimi e fanau iei te tamaliki foliki, aia e mafai ne ia o lagona a leo o ana matua, maise tena matua. Iloto ite tinae ote matua, te leo ote matua e fakamafanafana ki te tamaliki. Mai tua ite taimi ne fanau iei te tamaliki, te pepe ka fakasaga ona mata ki te leo o tena matua manafai e faipati atu kia ia.

Latou kola ea te Atua ne fanau mo te mafai o lagona ne latou te leo ote olotou Tamana. Koe ne fakafua ite tinae ote Muna a te Atua, fakafonugia ite Agaga ote Atua kae fanau ea te Atua. E pela mo te tamaliki e lagona ne ia te leo o tena matua, koe foki e tau o iloa

kae lagona ne koe te leo o te Tamana manafai e taumafai koe o fakalogologo ki te leo I aso katoa. Ko iloa tonu iei ne koe tena leo.

## **TAKUTINOFA FAKA PELOFETA**

**Au ko te tama fakapelepele a te Atua. Te vasia o maua mo toku tamana e galu, e lagona ne au tena leo I aso katoa. Te se maina e seai se vaega o toku olaga. Au e iloa ne au te leo o toku tamana kae tautali foki au ia ia.**

### **TUSI SUKESUKE FAOPOOPO**

Ioane 10:27-30; 1 Ioane 4:17





**Mataio 16:13, 15-16**

Ne fanatu a Iesu ki te koga-fenua e pili kite fakai ko Kaisaleia I Filipi, tela ne fesili atu iei aia ki ona soko, ana muna, “Kooi e faipati kiei a tino me kooi a te Tamaliki Tagata a te Tagata?...Ne fesili atu aia ki alatou, “Kae ko koutou, sea a te outou pati me kooi a au? Ne tali atu a Simona Petelu, “A koe ko te Mesia, te Tamaliki Tagata a te Atua ola.”

“Au e se fia saga me nea muna a tino” E tenei te mafaufau e tau o nofo mo so se kelisiano. Ona ko latou ne kelisiano tela a kiloga a nisi tino e se tau o fakatauugina. Kae ite taimi ne fesili iei Iesu “nea pati a tino e uiga mo au” Ite taimi ne fesili iei ne ia, aia seki mana-ko ki ne ‘pela’io me fakatali me nea mafaufauga o nisi tino me kooi aia. Ne fesili kae ko leva ne iloa tonu ne ia me kooi aia.

Te taimi fua e taua iei a mafaufauga o nisi tino manafai ko fakataua ne koe. Kae pefea loa, a te ata tela e tau o fakaasi ne koe e tau o fakataua kii. Ona koe e tau o fakaasi a Keliso I tau sasale, faipati, kai mo te teuteuga o tou foitino. Kef ai sose mea e fai ne koe mo ata e fakaasi iei a koe se tama a te Atua kae ko Keliso e ola iloto ia koe.

## TAKUTINOGA FAKA PELOFETA

**Au ko te sui o Keliso: Au e sui ne au tino o te Atua iluga ite lalolagi. Au ne vau ite kaiga tupu, se tino taua. E ave ne au te Atua I sose koga e fano iei au. Au ea te Atua! Ko te Mana foki o te Atua!**

## TUSI SUKESUKE FAOPOOPO

Fakaasiga 1:5-6

**2 Petelu 1:3**

**Ko oti ne tuku mai ne te mana faka atua o te Atua a mea katoa e manako a tatou kiei ke ola a tatou I se olaga tonu faka-te-lotu e auala ite tou iloa ite fino tela ne ana kalagagina a tatou ke kau fakatasi I tona malu mo tona lei.**

Ate kelisiano tela e salasala kise mea fakafoofogia e pela me se pillionea tela e sala ki se galuega. E se tau o fai pena. Ite tonuga, se mea se ko se kelisiano ke sala ki se mea fakafoofogia. Mea fakafoofogia ne seki fai mo koe. Te palane a te Atua ko koe ke mafai I sose taimi o maua a mea e manako koe kiei kae ke fakatoka kae onoono fakalei foki ki mea ko oti ne avatu ne ia mo koe. Tou foitino se kope taua. Tou mafaufau se kope. Tou iloa se kope, te mafai o maua a mea se kope foki taua tena.

Tenei se taimi tau kae lei ke fakamau a mea lei katoa ko oti ne avatu ne te Atua kia koe. Te kope taua loa ko te Muna a te Atua, me kote Muna e maua iei ne koe a mea katoa kola e manako koe kiei. Mea katoa ite lalolagi nei e nofo katoa iloto ite Muna a te Atua. Iloa kae fai fakalei a kope ko oti ne avatu kia koe kae ka se toe manakogina ne koe se mea fakafoofogina I tou olaga.

**TAKUTINOFA FAKA PELOFETA**

**Au e isi katoa ne mea kola e manakogina ne au mo ola I te olaga manuia kae katoatoa. Au e katoatoa: seai se mea e seai io me masei. Au se tino tausii lei o mea katoa kola ko oti ne mai ne te Atua kia au.**

**TUSI SUKESUKE FAOPOOPO**

Efeso 1:17

**1 Kolinito 13:7**

**A te alofa e se mafai lele eiloo o faka-vaivai, kae ko tona fakatuanaki, fakamoemoe mot e kufaki e se mafai lele eiloo o takavale.**

Tenei te tausaga o tino o te Atua, te tausaga tela a tino e ola faka-te-aga-ga ka tuu mai luga o fakalavelave e fakafeagai. Koe e tau o sasale ite agaga. Tela la, e tau mo koe o sasale ite alofa ite tausaga tenei, me ite sasale ite alofa ko te sasale ite agaga. Ke toe o fakaseai katoa a mea see. Seai se agasala e tau o fakalavelave ki tou sasale ite alofa.

Te tusi ite aso nei e fakamalosi mai ko toka tatou o talitonu ki te lei i sose tino. E se ko tona uiga me ka fai faeloa ne latou te mea lei i taimi katoa. Kae ko koe fua ke toka o talitonu me ka fai ne

latou. Tiga te tino e se ola kite olaga tela e tau o olagina ne ia, e se ten ate meat aua. Te mea e taua ko koe ke fakamalosi ke maua te lei kae se ko te masei. Me tena te mea e fai ne te alofa. Tena te natula o te Atua ia koe. Koe se taumafai ke fai ko koe ke iloo o alofa. Koe ko oti ne fait eke pena, e iloto ia koe a te mafai ke mafai iei ne koe o ola ite olaga alofa.

**TAKUTINOFA FAKA PELOFETA**

**E lavea ne au e auala i mata o te Atua a te lei i tino katoa. Au e fiafia kite alofa tauanoa kae e fakaasi foki ne au te alofa. Toku natula ko te natula o te Atua kae ko au ka sasale mote Agaga o te alofa. Au e alofa ona au se tino e mafai ne au o alofa atu ki nisi.**

**TUSI SUKESUKE FAOPOPO**

Filipi 2:13

**Efeso 3:20**

**Ke ia ia tela e mafai ne ia o fai a mea katoa ke uke atu I mea e fakatagi atu tatou, io me ko mea e mafaufau kiei a tatou, e auala ite mana e galue iloto ia tatou.**

Te tupu I Alapia ne kami ne ia te tino poto ite tafaoga ite kini (golf) ke mafai o tafao sale lava. Ne uga ne ia tena vakalele totino ke mai te tino tenei kae ne nofo lava o tafao mo se vaiaso e fasi. Ite otiga o te vaiaso tenei, ne manako te tupu ne ave ne ia se mealofa ma te tino po ite tafao tenei. Ne mafaufau a te tino tafao tenei kae fai atu "te pate kini ote poole e gali foki ma fai pela me se mealofa." Ne talia ne te tupu kae ne fai kiei me ka avatu ise taimi mai tua. Ite auala kite fale, ne moemiti te tino tafao tenei ia ia e kini ite pate kini fou tenei ka maua ne ia. Se

vaiaso tupu mai tua kae oko mai te pokisi. Ne mai ite tupu, kae e foliki fu ate envelope. Ne tala ne ia te pokisi tenei kae ne maua ne ia se tusi fakamaonia iei o se koga manafa 500 eka mo fai iei te tafaoga tenei. Tapale tau moemitiga. Ko too foliki. Tou Atua e mafai o fai ne ia mea lasi fakafoofogia. Se galue aia. Aia e fiafia o fakamanuia koe ki mea e uke kae lasi atu I mea e akai atu koe kiei koi tuai koe o mafaufau kiei. Tena te tala lei! Kamata o mafaufau ki mea kola e manako koe ke maua, mea kola e se mafai I tou malosi faka-fe foitino. Fakafoliga I tou mafaufau. Takutonu ki tou gutu. Kamata o galue ke maua kae onoono kite gasue a te Atua o fakalasi atu te mea tena ilo te mea ne mafaufau koe kiei. Koe kote tino tonu o moemiti ki moemiti mai te Atua.

## TAKUTINOGA FAKA PELOFETA

**Au e lauefa toku mafaufau. Au e mafaufau ki mea lasi! E lavea ne au a mea se lavea ne nisi tino. Toku mafai e seai sena gataga. E auala ite Agaga o te Atua, ka puke ne au sose avanoaga. Ko lavea ne au te fakataunu ote moemitiga a te Atua I toku olaga. Aleluia!**

### TUSI SUKESUKE FAOPOOPO

Loma 8:32

**Loma 5:8**

**Kae ko oti ne fakaasi mai ne te Atua kia tatou a te lasi o tona alofa mo ta-tou-kae koi fai tatou mo tino agasala tela ne mate iei a Keliso mo tatou!**

Koe e mafai io fakatautau ne koe tou taua ki sene ite aofaki se 45 miliona? Ite taimi nei, kafari e sela ne koe tou fatu I Amelika, e mafai o togi kise 1 miliona. Tou ate e mafai o togi ki te afa miliona tupe Amelika. E mafai o fakaataata pena tout aua. Se ko gatu e pei ne koe e avatu ne ia tout aua, ikaai! Ko koe e fai ne koe ke isi se taua I gatu e pei ne koe, te kaa e fakatele ne koe, meakai e kai ne koe, koga e nofo koe iei mo mea e fai ne koe.

Kafari se tino e fai mai, "kafari se mafai ne koe o togi fakalua, ko tona uiga se mafai ne koe o togi." E tiga e seki mafai

ne koe o togi te mea e manako koe kiei, se ko tona uiga koe se tau o maua ne koe. Kamata o fakafou tou mafaufau kae iloa ne koe me ko koe ko te tino tela e taua. Koe e ave ne koe te Atua! Tela la faipati pela me se tino taua. Sasale foki pena. Kilo kite kilo kae fai kiei, "Au se tino taua!" Mafaufau faeloa pena ke oko kite taimi e kamata iei o mafuli a mea I tou olaga.

**TAKUTINOGA FAKA PELOFETA**

I aso katoa, au ke fanaka faeloa toku taua e auala I aku pati e fai, mea e taulotogina ne au, mo te mafaufau ki mea tonu kae tau. Au e manuia faeloa. Au se mafai o takavale ite olaga nei. Au se tino manumalo, e malosi atu ite tino tau manumalo, kae manumalo au ite olaga nei mo te vikiga o te Atua!

**TUSI SUKESUKE FAOPOOPO**

Kolose 1:27

**Efeso 1:13**

E pena foki koutou ite lagonaga ne koutou a te muna tonu, tela kote Tala Lei ote tou fkaaolataga, ne talitonu koutou kia Keliso, tuku atu iei ne te Atua a te Agaga Tapu tela ne faifea-gaigagina, ke fai mo fakamailoga me ea ia a koutou.

Te ata lomi ne lomi ne Pablo Picasso ne togi atu ki tua ite aofaki e \$179.4 miliona tupe amelika. Te vaega ata lomi pena ne mafai o togi te fakatokaga o ave kite vaka kite aofaki e \$60, 000. Se gata iei, kae ko se vaega ata lomi taua pena e mafai o maua ne ia se aofaki sene siliga atu ite \$100, 000 manafai e teu! Tena te aofaki e mafai ne tatou o ave ki se mea tela ne faite ne se tagata. Kae pefea atu la tou taua ilo mea kona?

Koe ko te toe mea taua loa ne faite ne te Atua. Te toe mea ne faite ne ia tela e pela kae taua kia ia. Ona ko tou taua tela ne fakatoka iei ne te Atua se fakatokaga mo koe. Ko oti ne fakamau ne ia koe ki tena Agaga Tapu ke fakapatonu iei te maua ne koe te togi katoatoa kae ke ave foki ite olaga tenei e ola koe iei ite toe puipuiga kae atafai tafasili ite maluga.

**TAKUTINOGA FAKA PELOFETA**

Au ko te toe mea taua loa ne faite ne te Atua, e alofagina au kae taua kii eiloga au. Au ko oti ne tuku fakatea ke maua ne au mea tafasili ite lei ite olaga. Te Agaga ote Atua e fakapatonu ne ia toku manua. Se mafai au o takavale, me faigata ko au ke fakatakavalegina.

**TUSI SUKESUKE FAOPOOPO**

Iakopo 1:18

**Galuega 3:1**

**Ite aso e tasi, ne olo atu a Petelu mo loane ki te Faletapu ite itula o talosaga, tela kote tolu ite afiafi.**

Koe e isi sou mafai o fai ne koe a mea kola e fai ne tokita lauiloa ite lalolagi. Koe e isi sou mafai o fuli te taimi. Kafai te taimi ko ta ate 12 ite tutonu, ko taa te taimi kai. Kafai ko taa te 11 ite po, ko te taimi ko olo o moe. Kae ite taimi e talo iei koe, te talo e pule ne ia te itula, me sea te itula ote aso kae e afe foki ne ia koe ki loto ite vaega faka-te-agaga.

Petelu mo loane e iloa ne laua me isi se mafai laua o fuli te taimi. I taimi katoa te 3 ite afiafi ko te taimi talo. E iloa ne laua me ite talo se faifai o tino o te Malo o te Atua. Sose gasuega a te Agaga e fai ite talo. Kafai e mana-

ko koe o fanaka tou tulaga faka-te-agaga, talo kote auala kiei. Te tausaga tenei koe ka saele ite maga tela ka fakaasi atu e mea faka-te-agaga kola seki lavea aka loa ne koe.

**TAKUTINOGA FAKA PELOFETA**

Te talo ko taku masani. Au e fakamaumau oku taimi ite talo I aso katoa ke lavea iei ne au a fakaasi. Aia e faipati mai kia au kae ka maua ne au a fakatonuga kola e tau o fai ne au ke maua te manuia. Au e ola i Tulafono fakatea. Au e se mataku ise mea me fakatakavale ne au a mea katoa ite talo, ite igoa o Iesu.

**TUSI SUKESUKE FAOPOOPO**

Galuega 4:31

**Isaia 6:5**

**Aku muna, ko seai soku fakamoemoe-ga! A au ko fakamalaiagina me I muna katoa konei ne olo atu mai I toku gutu e agasala, kae ko au e nofo fakatasi mo tino konei kola olotou pati e agasala. Kae nei, ko lavea ne au ki oku mata ate Tupu, te Aliko tafasili ite malosii!**

A te tino talo se tino tela e kese ana uiga. Te pelofeta Isaia ne lavea ne ia te fakaasiga ote Aliko I tena mana sau kataoa kae ne tagi atu aia, “au se tagata e agasala oku laugutu”. Te agelu ne puke ne ia te fatu vela kae fakapata-tela atu ki ona laugutu, kae ne mafuli ikona ana uiga. Ne vau aia mai ite tino tela se maa ona laugutu kite tino tela e lauga e pela me se sui o te lagi. Te sua mea ne fai ne Isaia ne fai atu aia penei, “tenei au, uga atu au”.

Talo kote fatu vela tela e fakafou ne ia tau faipati mai mea kola se maa. Kafai koe e faipati faeloa kite Atua I taimi katoa, tou gutu ko fakaakoako ke faipatu ki pati kola e isi se ola mote alofa iei. Talo e fakafou ne ia tau faipati mote taimi tau. Au e takotonu atu, kafai ko fai ne koe te talo mo tai te toe mea tafasili ite taua I tou olaga, te mana tela e ave iei te talo ka maua ne koe, ite igoa o Iesu!

**TAKUTINOGA FAKA PELOFETA**

Oku taluga e matala kite leo o te Atua, oku laugutu ko fakatoka mo aku talosaga. Au e ola e pela mo se tino ote Atua kae kafai au e faipati e faipati au e pela mote mea manako kiei te Atua. Sose fakalavelave e pono mai ka tapale katoa, sose maua ka tofa ki lalo, a toku olaga ka tala mo ia ite igoa o Iesu!

**TUSI SUKESUKE FAOPOPO**

Kolose 4:6



**Galuega 6:4**

**Kae ko matou, ka fakasagatonu eiloa o fakaaoga a omotou taimi katoa kite fai o talosaga mot e galuega kite lauga atu.**

Te taimi ote toe foki mai o Keliso, tela ka ave iei tena Ekalesia, e mafai o tupu o sose taimi. Ko pili mai. Tela la se ko tona uiga ke litaea tatou io me moe I lalo o lakau o fakatali kite taimi tena. Se tenei te taimi e tau iei o fakamaliemalie tatou. Te taimi nei tatou e tau o fakagasue ki mua. Kafai koe ne fakatali ki se pisinisi, tenei te taimi ken a kamata. Muna lesu ko tatou ke galue ke oko kite taimi e foki mai iei aia.

Te Tusi tapu e fai mai me I apositolo ne fakamalosi latou o talo fakasoko eiloa. E tuku ne latou a nisi ke fai a nisi mea kae ko latou ne fai ne latou te pisinisi

ote talo. Tela ko fai mo fai te olotou pisinisi. Ki pisinisi katoa e fai ne koe ite tausaga tenei, te mea e tau o tafa loa ki luga kote pisinisi o talosaga. Talo e mafai fua o vau mai te Muna. Fai te Muna mo tou olaga. Te Muna tela e fagai koe kiei, ten ate Muna e galue. Tuku iei te lalolagi ke tagi ite masei ote maumea ote lalolagi, kae ko koe ke tumau loa koe ite mainaga malosi atu.

**TAKUTINOFA FAKA PELOFETA**

**Au e mafai ne a o fai sose mea ona ko te pisinisi kote vaega tava loa e fai ne au. Talo ko toku fakamailoga kae ko au ka fakamafuli ne au a mea. Ite taimi e talo iei au, ka gasue faka-te-agaga iluga ite lalolagi kae ka maua iei a fuataga manumalo kae fakafoofogina ne au.**

**TUSI SUKESUKE FAOPOPO**

Efeso 6:18



### 2 Kolinito 10:12

E tonu ia matou e se fia saag o faka-vasega a matou io me o fakatusatusa a matou mo nisi faiakoga kola e manatu pela ia latou e maluga. Ko oko eiloa ite lotou valea! E tavae ifoa eiloa a latou kia latou, kae e seai ake foki eiloa se tino e tavae ne ia a latou!

Koe ne kalagagina ke lavea koe mai te tokoukega kae se fakakau atu koe kite tokoukega. Tou manuia ko te kesega tena o koe, se ko mea kola e pau ko emo nisi. Tino e fakagaluegina ona ko te kese o latou mai nisi kae se ona e pau latou mo nisi tino. Tatou katoa ne tino e taua kae e isi ne kesega ia tatou taki tokotasi tela e fakataua kii. Mea katoa e fai ne koe e fakaasi iei te kesega tenei o koe mai nisi. Te auala e fai iei ou manatu, tau faipati, tau ga-suega, vaega gatu e pei ne koe mo te

auala e kai iei koe.

Koe seai se tino fataua. Koe se tino e kese kae taud! Koe e se pau mo nisi tino, ko se fatu taua ne vau mai te fatu manava o te Tamana. E seai se tino e pau mo koe ona ko oti ne fakaeke atu te mana malosi fakate-agaga kia koe. Tela la sa fakapau ko emo nisi me ia koe se tina tino o te Atua. Te palane a te Atua mo koe e mo koe eiloa kae se mo se isi tino aka. Koe ne faite fakalei ke aumai ne koe se mea taua kii kite lalolagi tenei tela e seai aka se tino e mai ne ia.

## TAKUTINOGA FAKA PELOFETA

Au ko ala kae iloa tonu ne au toku taua mo te lasi o toku mafai o fuli a te lalolagi tenei. Au e malosi kae mafi. E faite ne au se kesega I sose koga e fano iei au. Au e kese kae ka fai foki ne au se kesega!

### TUSI SUKESUKE FAOPOOPO

Ieemia 29:11



### 2 Timoteo 1:7

Me ite Atua ne seki tuku mai ne ia tea gaga ote matakua kia tatou, ka ko tea gaga ote mana, te alofa mo te loto pu-lea. Te matakua se ko te sua feitu o te fakatuanaki.

Te matakua ko te fakatuanaki tela e faite ne te soko atu ki mea se tonu. Te fakatuanaki e fakatupu ne te fakalogo, kae ko te fakagaluega o te fakatuanaki tena e fakavae mai luga i pati kola e fakalogo kiei. Te fakatuanaki te la e aumai ne te Atua e mafua mai te fakalogo, kae ko te fakalogo tena e vau mai te fakalogo kae saga tonu ki te Muna a te Atua. E pena foki loa a te tali-tonu tela e ave ne satani e faite foki mai luga ite fakalogo kae ko te fakalogo ki luga i pati loi kae se tonu a satani. Te matakua se meaalofa. Ke moa e fakaloiloina.

Tou mafaufau ko toe kope togi mafa tena. So se mafaufauga e fakaooga ne koe e tau o vau mai ikona. Tela la fakatapu te tali ki tou mafaufau a mea kola e fai ne ia koe ke fita kae manavase kola ko mafua mai iei te matakua. Kae e tau mo koe o talo i sose mea e manavase koe iei. Te talo e aumai ne ia te filemu ki tou mafaufau kae e puipui foki ne ia ko mai te fakamasei o loi mai te fili.

## TAKUTINOFA FAKA PELOFETA

Toku mafaufau e fakatapu ite mata, me ia au e nofo mo te mafaufau o Keliso. Au e galue ite malosi o te Agaga Tapu, tela ko te agaga ote alofa. A te matakua ka ave katoa keatea ite igoa malosi o Iesu, kae ko toku mafaufau kae puipui ne te filemu ote Atua.

### TUSI SUKESUKE FAOPOPO

Filipi 4: 6-7



LEARN HOW TO BECOME A  
**MILLIONAIRE**  
3 - 8 MAY 2021



**MILLIONAIRE  
ACADEMY**

WITH UEBERT ANGEL

REGISTER NOW AT

[WWW.THEMILLIONAIREACADEMY.ORG](http://WWW.THEMILLIONAIREACADEMY.ORG)



OSBORN INSTITUTE  
*of*  
**THEOLOGY**

**CERTIFICATE  
& DIPLOMA**

**ENROL NOW  
FOR NEXT INTAKE**

THE OSBORN INSTITUTE OF THEOLOGY  
FOUNDED BY PROPHET UEBERT ANGEL  
AND FULLY ACCREDITED BY TRANSWORLD  
ACCREDITING COMMISSION INTER-  
NATIONAL, PROVIDES AN AWARD-WIN-  
NING ONLINE LEARNING PLATFORM  
THAT EQUIPS MEN AND WOMEN WITH  
THE REVEALED WORD OF GOD. OIT PRE-  
PARES MEN AND WOMEN TO SHARE  
AND BEAR WITNESS OF JESUS CHRIST TO  
THE CHURCH AND THE WORLD.

**ENROL NOW AT [WWW.OSBORNINSTITUTE.COM](http://WWW.OSBORNINSTITUTE.COM)**



### 1 Kolinito 3:9

**Me ia maua ne tino e galue fakatasi, e galue fakatasi mo te Atua, kae ko koutou ko te fatoaga a te Atua.**

Se ko faifeau katoa e kalagagine ke takitaki a Ekalesia. Nisi e kalagagine ke galue fesoasoani mo nisi tino kola ko oti ne ave kia latou te kalaga fakapitoo mo te kiloga tela e maluga atu i tena kiloga totino. Te auala vave ke mafai o fakataunu iei te kalaga ko te galue fakatasi mo nisi tino kola e isi foki ne kiloga fakapitoo a latou ko oti ne kalagina kiei.

Te galue fakatasi e avatu ne ia kia koe a sokoga e uke, vave kae lei atu foki. Koe ko se toe fakatali ite ola kite taimi e mafai iei ne koe o fai se me. Koe e mafai o talo kae akai ke mafai o fakaoga koe ne te Atua i se auala a pau mo tou

faifeau ke mafai o kau fakatasi atu koe kite foitino katoa ote galuega lasi tenei e tasi. Koe ko sokotasi mo nisi.

## TAKUTINOGA FAKA PELOFETA

Ite tausaga tenei, au ka galue ite fale o te Atua, lafo mo te fale o te Atua, kae fakamaua a mea ko te galuega a te Atua. Au e takutonu kae tauto me I toku olaga ka fakagaligina. Te alofa tauanoa lasi ka fakagaluegina I toku olaga. Au ka fakalauefa kae fakalasi kae ka se fakatakavalegina, i te igoa o Iesu!

### TUSI SUKESUKE FAOPOOPO

1 Samuelu 30:24

**Epelu 4:16**

Tela la, e tau mo tatou o loto malosi o aumai ki mua o te nofotaliki o te Atua, tela e iai ikon ate alofa tauanoga. Ikon e maua iei ne tatou te alofa nau mote alofa tauanoa, kola e fesoasoani mai kia tatou manafai e manako a tatou kiei.

Te lasi ote fiafia mo te manumalo I tou olaga e pela me se tino talitonu e fakapau eiloa ite lasi ote alofa tauanoa e maua ne koe. Nisi ko oti ne maua ne latou te alofa tauanoa e lasi atu I lo nisi. Kafai a te alofa tauanoa e pela mote lasi ote moana, nisi ko oti fua ne maua ne latou se vaega foliki; nisi I se lasi I paketi, paelo mo tane fonu ite alofa tauano. Kae ko nisi seki asi aka loa kite moana ote alofa tauanoa tenei.

E mata e pefea te lasi ote alofa tauanoa e manako koe kiei?E isi se alofa tauanoa mo sose mea mo mea katoa. Te alofa tauanoa tela e fonu maligiligi iei te mafai o te Atua I tou olaga. Te alofa tauanoa ko te mana malosi o te Atua e galue mo koe. Mea katoa e avatu ne te Atua kia koe avatu I tona alofa tauanoa. Ko oti ne fai koe ke takutonugina ona ko Keliso, tela e avatu ne ia te saolotoga ke fakamaua ne koe te alofa tauanoa tela e manakogina ne koe. E se tau o maua ne koe ise vaega foliki io me ite lasi ote paketi io me ko se tane. Te alofa tauanoa e tuku matala mo koe. Soko ki loto ite moana ote alofa tauanoa kae fakamaua so se aofaki e manakogina ne koe.

**TAKUTINOGA FAKA PELOFETA**

Te amiotonu o te Atua ko oti ne fakamau i toku agaga. Au e amiotonu pela mo lesu ona ko tena amiotonu ko oti ne mai kia au. Tela la, au e isi soku saolotoga ki sose mea aia. Au e loto malosi o tae a mea e manakogina ne au. Te lasi ote alofa tauanoa e fakafonugina I toku olaga. Aleluia!

**TUSI SUKESUKE FAOPOPO**

Loma 5:17

**Mataio 1:18**

Ne penei a te fanaumaiga o Iesu Keliso. A tona matua ko Malia ne ai a tena feagaiga mo Iosefa, kae mai mua koi tuai a lava o avaga, ne iloa ake ne ia me ia Malia ko faitama e auala I te Agaga Tapu.

Kafai e fesili koe ki sose kelisiano me kooi te tamana o Iesu, tokouga e fai mai me ko te Atua te Taman. Kae ka onoono tatou kite tusi mo te aso nei e fai mai iei me ia Malia ne faitama i te Agaga Tapu. Te Tusitapu e fai mai foki ia tatou kelisiano ne fanau mai te Agaga Tapu. Ko ia te tou tupuga. Te Agaga Tapu e aofia I tou fanau faka te foitino pena foki faka-te agaga. Iopu ne maua ne ia te mea nei i te fakaasi tela ne fai ie iaia "Kote Agaga o te Atua ne faite ne ia au kae ne aumai foki ne ia kia au a te ola".

Koe ne se fanau fua i te Agaga Tapu e pela me se tino fou ia Keliso, koe foki ko tena foliga fakamatea iluga i te lalolagi tenei. Ka kilo atu a tino kia koe, e lavea ne latou te Agaga Tapu. Te iai o te Agaga Tapu ia koe e tau o fai ne ia ko tino ke fakalei. Te iai o te Agaga Tapu ia Petelu ko lasi tela i te taimi ne loi iei a Anania mo Safaila kiei, ne taku tonu iei ne te Tusitapu me ko loi kite Agaga Tapu. Koe se atua, fanau mai te Atua.

**TAKUTINOGA FAKA PELOFETA**

Au kote ata lavea o te Agaga Tapu i te lalolagi. E fakasalalau ne au te Agaga Tapu I mea katoa e fai ne au. Muna Iesu kafai ko oti ne lavea ne koe au, ko lavea ne koe te Tamana. Au e fai atu me kafai ko lavea ne koe au, ko lavea ne koe te Agaga o te Atua.

**TUSI SUKESUKE FAOPOOPO**

Galuega 5:1





### 1 Kolinito 4:15

Ite mea kafai e tokosefulu afe a out-ou tausi ite tou olaga faka-kelisiano, e tokotasi fua a te tou tamana.

Nisi tino e faka-kinau me mata a tasi loa te auala ki te Atua. E pokotia latou ite pati a Iesu, "ko au te auala". Kae kafai a tino konei e loka iloto I se potu kae pakalaga se tino 'afi' kae fakasino kia latou a te mataloa tela e tusi iei "Auala ki tua I afi" a latou ailoga e taua me te fea te auala tonu e tau o olo latou kiei. A latou ka fakasolo ite laina ite mataloa tena ki tua. E iloa ne latou me ite mataloa tena ko te auala o latou ke sao iei latou kae sao foki iei olotou ola.

E pena foki, a nisi tino e pela me ne mataloa. E avatu ne latou te auala tela e se fakasao fua iei tou ola kae e ave ne ia koe ki se tulaga lei atu. A mataloa konei e fesoasoani kia koe ke fakamao

keatea mai te masei kae ke avatu kia koe se olaga lei. Ite tausaga taua tenei o te Atua, e taua ke iloa ne koe a mataloa konei kae ke fakamalu foki ne koe. Sa fakapuli ia koe a auala kola e fakamasiki ne latou koe ki se tulaga maluga faka-te agaga kae keatea foki mo te olaga faka-vaivai.

## TAKUTINOFA FAKA PELOFETA

Au e takutonu me I oku mata ka matala ke lavea ne au a te auala. A tino e fesokotaki au kiei ka mafuli. Au ka fakagasue ki se koga e lasi atu tela e fonu i avanoaga kesekese. Au ka fakatakavale ne au oku fili katoa, kae ka se ponogina toku auala ite tausaga nei, I te igoa o Iesu. Amene.

### TUSI SUKESUKE FAOPOPO

1 Kolinito 16:9

**Esoto 3:20**

**Kae ka fakaoga a tou malosi o fai a mea fakamataku ke fakasala iei a Aikupito. Kae oti ake a mea kona, ko talia iei a tino Isalaelu ke olo.**

Auala o te Atua e kese mao mo auala o te lalolagi. Te lalolagi e fai mai te uke o mea e puke ne koe ko te uke o au mea. Te Atua e fai mai, te uke o mea e ave ne koe, ko te uke o mea e maua ne koe. Nea mea e iloa ne te lalolagi me ne fakalavelave, e fakaigoa ne te Atua me ne fakamanuiaga. E ten ate ata o mala I Aikupito. Ite ugaaga ne te Atua a Mose ki Aikupito, ne fai aia me ka fakaasi ne ia a 'mea fakafoofogina' ikona. Nea a mea e taku ne me fakafoofogina ne mala ki tino Aikupito.

Taimi nei ne taimi faigaat. Fenua ka fakanumi, te manavase mo te seiloa ka fanaka. A vailesi valevale ka sae aka. Ki te lalolagi, mea konei ne fanaifo o maumea, fakamaseiga o fenua mo mala. Kae kia latou kola e ola faka-te agaga, ne mea fakafoofogina. Se fakalavelavegina. "Sa mataku" e fakasae faka tolu selau, onosefulu lima taimi ite Tusi Tapu, tela ko tona uiga taki tasi e iloa moa so taki tasi o te tausaga. E pela e iloa mo te puipui ne te Atua ona tino mai mala ko fakalavelave kae fakatoka ne ia ke mai latou keatea mo maumea e uke atu ilo taimi mua, Te Atua foki e isi sena Kosena faka-te agaga mo so se tino tela e alofa ki tena igoa. Ka fai ne ia latou ke kese keatea mai tino ote lalolagi ma ia latou ia ia.

**TAKUTINOGA FAKA PELOFETA**

**Ite igoa o Iesu, E takutonu ne au me ite Aliko tela e fai ne iai ke isi se kese ka fakaasi malosi aia iloto I toku fale, toku kaiga, I taku pisinisi, mo sose tulaga ote olaga. Au ka maumea iloto ite taimi ote masaki malosi tenei. E tiga e siga nisi, au ka lele. Ka fanaifo nisi kae ko au ka fanaka. Me nea lasi o mea e agai mai, ka fakatakavale katoa ne au ite igoa mana kae malosi o Iesu!**

**TUSI SUKESUKE FAOPOPO**

Malaki 3: 17



**1 Tesalonia 4:11**

**Ko fai mo otou fakavae a te ola ite olaga filemu, ke kilo ifo e iloa a koe ki au galuega e tau o fai, kae ke ola e iloa a te tino I ana galuega, e pela e iloa mo te motou fai atuga muamua.**

Ate ola filemu e maluga atu i se faiga. Se faifaiga taua kae se iloa foki. Ko oti ne iloa ne au a vaega tino e ola ne latou te olaga filemu: ko latou kola e malosi ite olaga talo kae malosi kae ola lei olotou pisinisi. Tino talo mo latou kola e ola malosi olotou pisinisi e tauloto ne latou te olaga fakalogo ilo te faipati. E fakaoga ne latou a pati kola e fakanofu iei latou I se tulaga tonu kae aoga kii. E palane ite filemu, gasue I auala lilo kae fakataunu palane I se auala logoa. Ko oti ne tauloto ne latou me ite olotou manuia ko te olotou leo fakaoga.

Paulo ne akoako ne ia a Timoteo ke fakaasi ana mea maua ke lavea ne tino. Ko mea maua e tau o fakalavea, sei ko te auala e maua iei. Fakagata te fakasalalau mai te A kia Z a mea ne fai ne koe, au kiloga mo palane. Kafai a te Feagaiga e fai I te galue, sa faipati kiei ke oko kite taimi ko oti ne saina, fakakatoatoa ka eave. Failauga 3:7 e fai mai me isi se taimi o nofo malie e isi foki se taimi o faipati. Taumafai ke iloa ne koe taimi e tau o faipati mo taimi e tau o nofo mali. Kafai e isi se mea e manako koe o fakataunu, suke kite Muna kite auala e tau o fai iei ne koe, kae tuku tou manumalo mo te ola o tou fakamoemoga tena ke faipati.

**TAKUTINOGA FAKA PELOFETA**

**Te poto o te Atua e galue iloto ia au. Ka iloa ne au taimi ke faipati, mo te taimi ke nofo malie. Au ia au te mana o te Atua. Au e fonu ite Agaga, maumea ite Muna kae ola masani ite talo. Au ka sae ki luga mo te manumalo, toku gasue ki mua kae se mafai o taogina ki lalo!**

**TUSI SUKESUKE FAOPOPO**

1 Timoteo 4:15



**Luka 12:35**

**A koutou ke toka I so se mea e oko mai, pei a outou gat uke toka mo sose mea mo tau moli ke fakaka.**

Tenei ko te tausaga ote faopoopo i tou iloga. Kafai koe ko faopoopo tou iloga, ko faopoopo foki au sene. Te auala ke faopoopo tou iloga ko te fakamau-mau o tou taimi kia koe kae kamata o mafaufau ki tou ataeao. Tino kola e nofo mo te mafaufau ote mativa e mafaufau fua mot e aso nei. Tino kola e mafaufau ki piliona e nofo fakatoka mo avanoaga mo te ataeao. Kafai koe se fakatoka ite aso nei, koe ka se toka foki mote aso taeao.

Tau fakatokaga e maua foki iei tou togi. Tou poto e faite mai iei au sene mo te olaga e ola koe iei. Fakaoga 20 minute ite aso o fai se mea lei mo koe

eiloa. Faitau se mea tena e fesoasoani kia koe. Tausi fakalei tou foitino tela ko te faletapu. Palane mo tou lumanai. Fakamaua mea fesoasoani ki tau fakatokatokaga. E taua ke fakatoka kii koe iloa te se toka o koe.

## TAKUTINOGA FAKA PELOFETA

**Au ko toka mo te avanoaga lasi i toku olaga. I aso katoa, au ka fakatoka mo se mea lasi. Au ka fakalasi toku mainaga kae faopoopo toku iloga. Au e nofo mote mafaufau fakapilionea.**

### TUSI SUKESUKE FAOPOOPO

Loma 13: 11

**Ioane 1:9**

**E tenei a te mainaga tonu-te mainaga tela e vau ki loto ite lalolagi kae e maina atu ki luga I fino katoa.**

Ate mainaga e aofia I mea katoa e fai ne te Atua. Te Tusitapu e fai mai me aia e nofo ite mainaga lasi. E fakamatala foki ne ia me ia ia ko mainaga tonu. Muna Iesu, "Au kote mainaga o te lalolagi." Kae ne toe fai mai foki aia "Koe ko te mainaga o te lalolagi." Te Tusitapu e fai mai foki me ite Muna a te Atua ko te moli e takitaki iei au kae se mainaga foki I toku auala. Koe e iloa ne koe te koga e fano koe iei, e iloa foki ne koe te nea a mea e fai ne koe ite mainaga. Te lavea lei mo te mainaga lei e mai manafai te mainaga e vau ki tou olaga.

E se taua me nea mea i tua, te Atua e galue iloto ia koe. Te mainaga o te Atua e maina I tou agaga. Ite tumau o koe o faitau te Muna I aso takitasi, ko maua ne koe te mainaga o te Muna ki tou agaga. Te mainaga tena ka fagu ne ia koe ki mea kola seki iloa aka loa ne koe muamuma. Koe ko fakagasue kite koga tafasili ite ataua. Te mainaga ka vau mai ia koe, ite igoa o Iesu!

**TAKUTINOFA FAKA PELOFETA**

Te Atua ke aumai ne ia au kite iloa tonu tela e nofo iloto I tena Muna. Au ka mataala ki avanoaga tonu. A vaega o toku olaga ka aumai katoa fakatasi. Vaega kola ne mavaevae ka tuku tasi. Oku mata faka te agaga ka mata, ko toku olaga ka maina atu!

**TUSI SUKESUKE FAOPOOPO**

Efeso 5:13-14, Salamo 119:130

**Loma 11:16**

**Kafai a te putu falaoa muamua e tukuatugina ki te Atua, ko tena uiga a te falaoa katoa ea ia foki, kae kafai a aka o se lakau e ofogina atu kite Atua, a kaula foki ea a ia.**

E faigata manafai koe ne fanau mai i ou matua kae seai ne la vaega ia koe. Se mea loa ne fakatoka ne te Atua ko te mea ko vaega o matua ke pasi ifo ki olotou tamaliki. Koe e fakamafua ne koe a koe. Tena te mea e faigata iei koe o toki ite olaga o te faifeau tela e masaki kite mativa kae fakatau atu koe ke maumea aia. E seai sena fakatuanaki ke fakamafuli koe kise tulaga lei atu. Kafai e seai ne fuataga I tena olaga, e se mafai foki o fai ne ia ke fua mai tou olaga. Muna Iesu, Au ko te vina, kae ko koutou ko kaula. E isi se sokoga taua ikonei tela e fai ne ia ko mea iloto

ia ia e tau foki o iloto ia koe. Koe ka kamata o foliga ki foliga o te tino tela e sokotasi koe kiei. Tena se fakatokaga faka-te-agaga.

Au se pelofeta, se tino ote Muna a te Atua, se tino fakatuanaki kae e se mativa foki au. Tena au; tena toku vaega faka-te-agaga. Tela la ko tino kola e ave ne latou te vaega faka-te-agaga tenei ne tino ote Muna a te Atua, ne tino fakatuanaki, ne tino e maumea kae manuia i olotou pisinisi, ne tino foki kola ne fakapelofetagina. Kamata o fakagasue te fakapelofetaaga tena I tou olaga ite takotonu e auala I tou fakatuanaki.

## TAKUTINOGA FAKA PELOFETA

Te mana malosi ote maumea e iloto ia au. Aku kope mo galuega ka fakaaogagina. Ka lauiloa au I koga katoa. Te Atua ko oti ne mai ne ia kia au te fakamanuiaga lasi mo te tausaga tenei kae ka ave faeloa ne au te malosi o te Atua I sose koga e fano iei au.

### TUSI SUKESUKE FAOPOOPO

Luka 4:14, Ioane 15:5



### 1 Timoteo 4:12

**Ke moa se tino e manatu mama ia koe koi tamaliki, ka kef ai ko emo fakaakoakoga ki tino fakatuanaki, mo tou loto ma.**

Fakaakoako a tamaliki ite auala e tau o fano iei, me kafai ko maua, ka se tiakina lele eiloa ne ia" Te fuaiupu etnei e mafai o taulotogina kae e masani foki o se lasi te mainaga iei. Te fuaiupu tenei e se faipati malosi ki muna e fai ne tatou ki tou tamaliki, tiga iei se vaega foki tena e aofia ite fuaiupu tenei. Te fuaiupu tenei e faipati kite fakatakitaki I ata a lavea ne ia. Tamaliki e fai ne latou a mea e lavea ne latou, se ko mea e lagona ne latou. Kae tasi o auala taua e mafai ne tatou o fakaakoako tou tamaliki ko mea e fai ne tatou ki tou tupe. Ite sua fuaiupu, e fakaasi iei te kii tela e mafai iei ne tatou o fakaakoako

tou tamaliki: "a tino maumea e pule iluga I tino mativa, kae ko tino kola e kaitalafu sene se tavini a te tino tela ne kaitalafu iei ana mea." Kooi ikonei e fakaakoako e auala I faiga? Te pati Eleni e fakamatala kiei te 'mo a e manatu mama' ite fuaiupu ote aso nei ko te pati tene kataphroneo tela ko tona uiga ko te mafaufau foliki io me seai. Tino mativa ne tino e ola mo te manatu mama. Kafai e faipati, seai se tino e fakalogo, kae e masani foki o kilo fakamalalogina. Kae kafai e tino maumea e faipati, a olotou leo e faigata ke se fakataua. Te loto o te Atua mo koe ke ola koe i se olaga maumea I mua o au tamaliki. Ite tonuga, ana muna, mai luga o mea katoa, au e manako ko koutou ke manuia (onoono kia 3 loane 2). Kafai e fakaasi ne koe tou maumea, talavou ka tautali iei kae ka seai se tino e mafai o kilo fakamalalogina kia latou.

## TAKUTINOGA FAKA PELOFETA

**Au ko oti ne fakatoka ke manuia kae maumea i sose faitu o toku olaga. Au e maumea faka tea gaga, i toku vasia mo nisi, I toku malosi mo toku maumea. Au e ave taku tasi vae sefulu kae se tino e fiafia o lafo atu. Au e takitaki aku tamaliki ki loto ite olaga maumea ke fakatumau iei te maumea i kautama gasolo.**

**TUSI SUKESUKE FAOPOPOO** : Fataoto 22:6-7

**Iuta 1:20**

**Kae ko koutou e oku taugasoa, ke puti ake eilooa koutou I outou fakatuanaki e sili ite tapu. Talo ite mana o te Agaga Tapu.**

Te faipati ite gana faka te agaga e seai se mea fou ki nisi. Ko te gana taua masani a so se kelisiano. Tena te mea e tiga e kesekese a koga e mai iei, a kelisiano e mafai o faipati kite gana e tasi. Ko te ana a te Agaga, se mafai faka-Atua tela ne toki iloto ia koe ite taimi ne fanau iei koe. Te Agaga Tapu e se fai malo ne ia tou gutu ke faipati. E pela loa mo koe ma faipati ki tau gana faka te lalolagi, koe e fakamatala tou gutu ke faipati. Ko vau iei ki tua te leo; e aumai ne ia a pati. Se mea e gali manafai e galue fakatasi tou foitino, agaga mo te Agaga Tapu.

Paulo se tagata takutakua! Te mea funa tela e mafua iei tena takutakua kote, "au e faipati ite gana fakauke atu ilo koutou." E saele koe ite tausaga tenei, e tau o na kamata nei, ke fakagasue koe o faipati ki te gana . Te faipati ite gana tenei e uke ana meat aua. E fakamalosi ne ia tou fakalogo kite Muna a te Atua. E ave ne ia a fakatonuga ki agelu, e fakalei ne ia a vaega o tou olaga mo tou foitino kola ko oti ne fakamaseigina. E mafai e tasi tau pati e fai kae ko tena malosi e lasi atu ite fia o pati ite gana faka te lalolagi. Sa misi ne koe te vaega taua tenei. Koe e se manakogina ke fakatali koe ko ftoa faipati koe. Koe ea te Atua, koe e faipati ite gana faka- Atua. Taumafai o faipati. Tala tou gutu kae kamata o faipati nei!

**TAKUTINOGA FAKA PELOFETA**

**Au e faipati ite gana faka te agaga, au e takutonu ne au te Muna a te Alike. Mauga ka gasue. Toku malosi ka fakatumau I toku foitino. Mafaufauga gali kae lei ka fakasolo mai kia au. Toku fakatuanaki ka avaka kite sua levolo, kae ko agelu kae fakagasue o galue mo au. T**

**TUSI SUKESUKE FAOPOOPO**

1 Kolinito 14:81



**Mataio 11:11**

**E tonu au e fai atu kia koutou, e sei se tama ne fanau I fafine e sili atu ia loane te papatiso, ka ko te tino tafa se taulia ite Malo ote lagi, e sili atu ia loane.**

E iloa ne koe i gatu fakasao e masani faeloa o lanu ki lanu kola maina kae matea kii. Te mainaga e fai ne ia ke vave lavea te tino e pei ne ia ke moa e oko kiei te fakalavelave. Kafai a tau motokaa e masei ite auala, e mafai o fakaka ne koe a moli ke fakaasi ki nisi tino fakateletele me ia koe e manakogina se fesoasoani. Te maina e aumai ne ia se fesoasoani. E pena foki ite olaga faka te agaga. Agelu ne agaga fesoasoani kola e uga at uke fesoasoani kia koe. A latou e maina kae e aumai foki ne latou a te mainaga. Kafai e sei se mainaga ote Muna a te Atua ia koe, koe ka se mafai o matea ne koe, kae

ka se mafai foki o matea ne latou a koe ke mafai o mai o fesoasoani kia koe.

Fakagata te fakataua o mea ote lalolagi. Se koga e fonu ite pouli. E manakogina ne koe se mainaga lasi. Te mainaga o te Atua iloto ia koe e avatu ne ia kia koe ate mataloa kite lalolagi faka te agaga. Koe e maina ite mainaga ote Muna a te Atua. Te lasi ote Muna ia koe, te lasi foki ote mainaga ia koe. Muna lesu kia loane aia ko te moli kaa kae maina. Te fuaiupu ote aso nei e fai mai tiga foki te kelisiano fou e isi sena mafai o maina atu ilo loane. Ke maina atu tou mainaga, kae ke fakaopopo faeloa te Muna ko te mea ko tea fi ke kaa ulaula atu e iloa.

**TAKUTINOGA FAKA PELOFETA**

**Au e fiafia kite Muna ate Atua. Au e kai iei ite aso katoa. I sose taimi au e nofo ite Muna, te mainaga iloto ia au ka maina atu. E aumai ne kae fakagasue ne au a agelu tapu kola ko toka o ave saku manakoga.**

**TUSI SUKESUKE FAOPOPO**

loane 5:35

**Kolose 2:9**

**Tela e nofo ia ia a te katoatoaga o te natula faka te Atua.**

Koe e se masaki. E mafai te fakamunaga tena o fai mo fakalavelave ki nisi ona me ko oti ne lloilo kae lagona foki te foitino masaki. Te tonuga, tiga iei, e seai lele sau iloa ite masaki. Au e faipati kia koe tela ko oti ne fanau fou ite agaga. Masava I tou foitino se vaega o Keliso, tena foitino mo tena ivi. Koe e tasi mo ia. I tau fakatau a Keliso e masaki? Ikaai, E se masaki! So e pena foki koe.

E isi se tonuga ia Keliso tela ko toe fakaala ia koe, ite taimi foki loa tenei koi faitau iei koe ite vaega tenei. E isi se ola ia koe tela e se mafai o fakapau mo se mea ite lalolagi nei. Tena te mea ne fai mai iei te Tusitapu, e malosi atu aia tena iloto ia koe ilo o ia tela ite lalolagi (onoono kia 1 loane 4:4).

Te olaga tena e fakafonu ne te Atua ia koe mo mai ia koe. Te Agaga ote ola tena iloto ia koe o avatu ki tou foitino te ola. Talitonu kiei. Takutaku atu. Te ola faka tea gaga ka tapale keatea a sose masaki tela e taumafai o fakamasei tou foitino.

**TAKUTINOGA FAKA PELOFETA**

Te olaga o te Atua ia au e fakaseai sose mea ne fakamasei I toku foitino. Ite mana o te Agaga o te Atua, e fakatonu au ki vailisi, fakafoa, kenisa mo se vaega o so se masaki ke tapale keatea mai tou foitino nei! Au ko fakafougina ne te ola mai te Agaga ote Atua, kae kote olaga tena ia au, ite igoa o Iesu!

**TUSI SUKESUKE FAOPOOPO**

Efeso 5:30

**Efeso 5:15**

**Mafaufau fakalei ki auala e tau o ola koutou iei. Sa ola e pela mo ne tino valea, kae ke pela mo tino poto.**

Sea te taimi gali ke ola ite lalolagi nei! Au e iloa ne au me ia koe e onono ki fakalavelave mo mea tupu konei e tupu ite lalolagi, kae ko mea kona e se mo koe, te tama a te Atua. Koe e seai sou vaega iei. Te foki mai ote Aliko ko pili mai. Ko tona uiga koe e tau o maua tou taimi taua o ola ite lalolagi nei. Tena fua! Ka se toe maua ne koe te avanoaga penei. Ao, te taimi e vau ka mafai iei o pule tatou ite lalolagi. Kae tena se vaega olaga fakatea.

Koe se vaega faka-Atua, se agaga tela e ola kae fakatavale a fakalavealve ote olaga tenei. Ite taimi nei, te vasia ite taimi nei mote taimi o foki mai

te Aliko, tenei tou avanoaga ke ola koe ite olaga katoatoa tela ne mai ne te Atua kae koi ola koe ite olaga tenei. Fakaoga fakalei te taimi koi ola iei koe kae ola kite olaga katoatoa!

**TAKUTINOFA FAKA PELOFETA**

**Au ne filifili ne te Atua ke fakaasi ne au tena malu ite taimi tenei. Ite tausaga tenei au se vaega o te Atua, au ko te fakailoga mo te kautama tenei. Au kote tali ki fakalavelave ite lalolagi nei. Au ka fuli ne au te lalolagi tenei ki lalo mo Iesu!**

**TUSI SUKESUKE FAOPOPO**

Loma 8:18-19



## **HAVE YOU RECEIVED JESUS CHRIST YET?**

WE INVITE YOU TO MAKE JESUS CHRIST  
THE LORD OF YOUR LIFE BY PRAYING THIS PRAYER;

"O LORD GOD, I COME TO YOU IN THE NAME OF JESUS CHRIST. I BELIEVE WITH ALL MY HEART IN JESUS CHRIST, SON OF THE LIVING GOD. I BELIEVE HE DIED FOR ME AND GOD RAISED HIM FROM THE DEAD. I BELIEVE HE'S ALIVE TODAY. I CONFESS WITH MY MOUTH THAT JESUS CHRIST IS THE LORD OF MY LIFE FROM THIS DAY. THROUGH HIM AND IN HIS NAME, I HAVE ETERNAL LIFE; I'M BORN AGAIN. THANK YOU LORD, FOR SAVING MY SOUL! I'M NOW A CHILD OF GOD. HALLELUIAH!"

CONGRATULATIONS! YOU ARE NOW A CHILD OF GOD.

TO RECEIVE MORE INFORMATION ON HOW YOU CAN GROW  
AS A CHRISTIAN, PLEASE GET IN TOUCH WITH US ON

UK: +44 3333 448 612

USA +1 240 781 6942

RSA +27 51 004 0209

## SCRIPTURE PASSAGE FOR PROTECTION

### ISAIAH 54:

14 I AM BUILD SOLID, GROUNDED IN  
RIGHTEOUSNESS,  
FAR FROM ANY TROUBLE—NOTHING TO  
FEAR!  
FAR FROM TERROR—IT WON'T EVEN COME  
CLOSE!

15 IF ANYONE ATTACKS ME,  
I WILL NOT THINK FOR A MOMENT THAT  
GOD SENT THEM,  
AND IF ANY SHOULD ATTACK ME,  
NOTHING WILL COME OF IT.

16 GOD CREATED THE BLACKSMITH  
WHO FIRES UP HIS FORGE  
AND MAKES A WEAPON DESIGNED TO KILL.  
HE ALSO CREATED THE DESTROYER—

17 BUT NO WEAPON THAT CAN HURT ME  
HAS EVER BEEN FORGED.  
ANYONE WHO ACCUSES ME  
WILL BE DISMISSED AS A LIAR.  
I AM GOD'S SERVANT SO THIS IS WHAT I CAN  
EXPECT  
GOD WILL SEE TO IT THAT EVERYTHING  
WORKS OUT FOR THE BEST FOR ME."

THIS IS WHAT GOD SAYS TO ME AND  
IT WILL NOT FAIL IN JESUS'S NAME!



**TheGoodNewsWorld Helplines**

**USA: +1 (240) 781-6942**

**UK: +44 333 344 8612**

**RSA: +27 (51) 004-0209**

[www.goodnewsworld.com](http://www.goodnewsworld.com)